

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06) i člana 18. Zakona o vanjskom dugu Federacije Bosne i Hercegovine ("Službene novine Federacije BiH", broj 41/98), na 144. sjednici održanoj u Sarajevu 9. marta 2006. godine, Vlada Federacije Bosne i Hercegovine donosi

O D L U K U

O DAVANJU SAUGLASNOSTI ZA PRIHVATANJE KREDITA MEĐUNARODNE ASOCIJACIJE ZA RAZVOJ (IDA) ZA PROJEKT REGISTRACIJE ZEMLJIŠTA

I

Vlada Federacije Bosne i Hercegovine (u daljnjem tekstu: Vlada Federacije) prihvata kredit Međunarodne asocijacije za razvoj (IDA) u iznosu od deset miliona i četiri stotine hiljada specijalnih prava vučenja (10,400.000 SDR) za Bosnu i Hercegovinu, od čega se šest miliona i sto hiljada specijalnih prava vučenja (6,100.000 SDR) odnosi na Federaciju Bosne i Hercegovine (u daljnjem tekstu: Federacija).

II

Vlada Federacije saglasna je da se iz sredstava kredita iz tačke I ove Odluke finansira Projekt registracije zemljišta.

III

Vlada Federacije potvrđuje da je razmijenjena dokumentacija prihvatljiva za Federaciju, a posebno:

- Sporazum o finansiranju između Bosne i Hercegovine i Međunarodne asocijacije za razvoj (IDA),
- Federalni projektni sporazum između Federacije i Međunarodne asocijacije za razvoj (IDA),
- Dokument ocjene Projekta za predloženi kredit u iznosu od 10,400,000 SDR za Vladu Bosne i Hercegovine.

IV

U cilju realiziranja kredita iz tačke I ove odluke, Vlada Federacije će Parlamentu Federacije Bosne i Hercegovine podnijeti na odobrenje prijedlog kreditnog zaduženja u iznosu od 6,100.000 specijalnih prava vučenja.

V

Za realiziranje ove Odluke zadužuju se Federalno ministarstvo finansija-Federalno ministarstvo finansija i Federalno ministarstvo pravde, svako u okviru svoje nadležnosti.

VI

Ova Odluka stupa na snagu narednog dana od dana objavljivanja u "Službenim novinama Federacije BiH".

V broj 105/06
9. marta 2006. godine
Sarajevo

Premijer
dr. Ahmet Hadžipašić, s.r.